

Broj: 01-04-13-06296/2024
Datum: 17.12.2024.godine

Bosna i Hercegovina
Federacija Bosne i Hercegovine
PARLAMENT FEDERACIJE
S A R A J E V O

Primijeno: 23-12-2024			
Org. jed.	Broj	Priloga	Vrijednost
05/1	-02-	576	124

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM

n/p- predsjedavajući Dragan Mioković
veza vaš akt br. 05/1-02-576/24 od 25.10.2024.godine

n/p – zastupnik Sanel Kajan

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE

n/p- generalna sekretarka - mr.sci. Edita Kalajdžić
veza vaš akt br. 03-04-1736-48/2024 od 30.10.2024.godine

PREDMET: Odgovor na inicijativu zastupnika Kajan Sanela, dostavlja se

Poštovani,

Federalna uprava za inspekcijske poslove zaprimila je dana 29.10.2024. godine akte brojeva gornjih, koji su inicijativa koju je zastupnik Sanel Kajan podnio na 14. redovnoj sjednici Predstavničkog doma Parlamenta Federacije BiH održanoj dana 22.10.2024. godine.

Uvaženi zastupnik je pokrenuo predmetnu inicijativu iz razloga brige za zaštitu, održavanje i sigurnost objekata u staroj jezgri grada Mostara. U obrazloženju svoje inicijative, zastupnik je ukratko ukazao da je stanje u staroj jezgri grada Mostara nezadovoljavajuće, što je po njegovom mišljenju vidljivo svakom prolazniku, turisti ili posjetiocu grada Mostara, zbog ilegalne gradnje, satelitskih antena, PVC stolarije na objektima, nepostojanja jednoobraznih reklama, kao i nedovoljno održavanje čistoće.

Od Federalne uprave za inspekcijske poslove je zatražio da odgovori, da li je ovaj organ proveo javni poziv za izvođača radova koji bi uklanjali građevine i dijelove građevina koje su izgrađene bez odobrenja, a također i saniranje ruševnih objekata koji predstavljaju opasnost po živote ljudi i saobraćaj.

Ukratko, istakao je, da je u starom dijelu Mostara koji je zaštićen, potreban bolji nadzor, čuvanje i zaštita objekata, nego što je to bio slučaj do sada.

U pripremi odgovora na ovu inicijativu, konsultovana je Komisija za javne nabavke Federalne uprave za inspekcijske poslove.

Problematika vezana za uklanjanje nelegalnih objekata je aktualna duže od deset godina. U više navrata su pokretani postupci javne nabavke za izvođenje radova na uklanjanju nelegalnih objekata koji nisu okončani zaključivanjem ugovora, obzirom da nije bilo interesa ponuđača, odnosno niti u jednom od pokrenutih postupaka javne nabavke nije zaprimljena ponuda bilo kojeg od potencijalnih ponuđača.

Više je razloga za navedeno, od kojih u nastavku izdvajamo najznačajnije.

Iznos obezbjeđenih sredstava za ovu namjenu je izuzetno nizak (10.000,00 KM bez PDV-a), što objektivno nije iznos dovoljan ni za uklanjanje malo većeg objekta, pri čemu treba posebno imati u vidu činjenicu da se radi o radovima koji bi se uglavnom trebali vršiti u obuhvatu nacionalnih spomenika Bosne i Hercegovine. Prednja okolnost podazumjeva značajno manji broj potencijalnih izvođača radova u odnosu na istovrsne radove koji se vrše van obuhvata nacionalnih spomenika, jer eventualni ponuđači moraju ispunjavati i posebne uvjete za obavljanje radova u obuhvatu nacionalnih spomenika, što ograničava broj ponuđača koji ispunjavaju uvjete za učešće u postupku. Pored navedenog, nesporno je da izvođenje radova u obuhvatu nacionalnih spomenika značajno poskupljuje cijeli postupak u odnosu na istovrsne radove koji se vrše van obuhvata nacionalnih spomenika.

Dakle, zbog nedovoljnog iznosa sredstava određenog za ovu namjenu i nepostojanja interesa ponuđača, Federalna uprava za inspekcijske poslove u prethodnom periodu nije uspjela okončati postupak javne nabavke zaključivanjem ugovora o nabavci. S tim u vezi, nisu bile ispunjene ni zakonske pretpostavke za donošenje zaključaka o dozvoli izvršenja od strane inspektora federalnog urbanističko-ekološkog inspektorata za bilo koju od građevina za koju je rješenjem naloženo uklanjanje, obzirom da je članom 149. Zakona o inspekcijama F BiH („Službene novine F BiH“, br. 73/14 i 19/17 - odluka US) propisano da je jedan od obaveznih podataka koje mora sadržavati zaključak o dozvoli izvršenja preciziranje lica putem kojeg će se izvršiti upravna mjera.

Ovo su uglavnom objektivni razlozi, zbog kojih ovakva vrsta javne nabavke nikad do sada u Federalnoj upravi nije uspješno provedena.

Zahvaljujući dodatnim naporima, kod pripreme budžeta za 2025. godinu, direktorica Federalne uprave je zajedno sa pomoćnicom u Sektoru za materijalno-finansijske poslove, obavila konsultacije sa predstavnicima Federalnog ministarstva finansija, kojom prilikom su iste upoznale sa problemima finansijske prirode sa kojima se u određenim segmentima rada Uprava suočava, a koji se direktno manifestuju u nemogućnostima funkcionisanja, odnosno obavljanja službenih radnji iz okvira svoje nadležnosti.

Jedan od detektovanih problema je svakako i problem realizovanja mjera kojima se nalaže uklanjanja nelegalno izgrađenih objekata. Na predmetnom sastanku, postignut je dogovor da se u Zahtjevu za budžet za 2025. godinu, u okviru postavljenih gornjih granica budžetskih sredstava, Federalnoj upravi sa trenutnih 10.000,00 KM poveća na 50.000,00 KM za ovu namjenu, s ciljem provođenja i uspješne realizacije postupka javnih nabavki koji se tiče uklanjanja nelegalnih objekata.

Sredstva su u skladu sa preporukama predstavnika Federalnog ministarstva finansija izdvojena na poseban projekat, kao namjenska, zbog čega mogu biti utrošena samo u navedene svrhe.

Na kraju, što se tiče inicijative zastupnika Kajana glede kvalitetnijeg nadzora, ističemo da će nadležni federalni građevinski inspektori ove Uprave, u skladu sa svojom zakonom utvrđenom nadležnosti, posvetiti veću pažnju u pogledu i broja nadzora, ali i nalaganja adekvatnih mjera, u cilju zaštite objekata u okviru stare jezgre grada Mostara.
S poštovanjem,



Dostavljeno:

- 1 x predsjedavajući Predstavničkog doma Parlamenta FBiH- Dragan Mioković
- 1 x zastupnik – Sanel Kajan
- 1 x generalna sekretarka Vlade FBiH- mr.sci. Edita Kalajdžić
- 1 x a/a